

Član 13.

(Neprimjenjivanje ili nepoštivanje odredbi ove uredbe)

Neprimjenjivanje ili nepoštivanje odredbi ove uredbe predstavlja osnov za smjenu odgovornog lica organa javnog sektora, koju pokreće organ nadležan za razrješenje odgovornog lica organa javnog sektora.

Član 14.

(Objavljivanje akata)

- (1) Organi javnog sektora iz člana 1. ove uredbe su dužni, putem svojih zvaničnih web stranica, u roku od 30 dana od dana stupanja na snagu ove uredbe učiniti dostupnim i javnim sve propise i druge akte na koje se odnosi ova uredba.
- (2) U slučaju da organi javnog sektora nemaju zvaničnu web stranicu, dužni su učiniti dostupnim i javnim sve propise i druge akte na koje se odnosi ova uredba u roku od 30 dana, po proteku roka iz člana 6. stav (4) ove uredbe.

Član 15.

(Stupanje na snagu)

Ova Uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-05-20408-5/19

16. maja 2019. godine

Sarajevo

Premijer

**Edin Forto, s. r.**

Na osnovu člana 54. stav (2) tačka 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), a u vezi sa članom 23. Zakona o Agenciji za prevenciju korupcije i koordinaciju borbe protiv korupcije ("Službeni glasnik BiH", broj 103/09 i 58/13), Vlada Kantona Sarajevo, na 20. sjednici održanoj 16.05.2019. godine, donijela je

**UREDBU**

**O IZMJENAMA I DOPUNAMA UREDBE O OSNIVANJU  
UREDA ZA BORBUTIV KORUPCIJE I  
UPRAVLJANJE KVALITETOM  
KANTONA SARAJEVO**

Član 1.

(Izmjena člana 2.)

- (1) U Uredbi o osnivanju Ureda za borbu protiv korupcije i upravljanje kvalitetom Kantona Sarajevo ("Službene novine Kantona Sarajevo", broj 7/18), u članu 2. stav (1) dodaje se nova tačka a) koja glasi:
  - a) "provođenjem Zakona o prijavljivanju i postupku provjere podataka o imovini nosioca javnih funkcija u Kantonu Sarajevo (u daljem tekstu: Zakon);".
- (2) Dosadašnje tač. a) i b), postaju tač. b) i c).
- (3) U članu 2. stav (2), na kraju rečenice briše se tačka i dodaju se riječi: "i zabranjen je bilo kakav oblik utjecaja na zaposlene u Uredu u provođenju nadležnosti iz ove uredbe".
- (4) Iza stava (2) dodaje se novi stav (3) koji glasi:
- (5) "(3) Za potrebe provođenja aktivnosti iz utvrđenih nadležnosti Ured uspostavlja i upravlja jedinstvenim antikorupcionim informacionim sistemom."

Član 2.

(Novi član 2a.)

Iza člana 2. dodaje se novi član 2a. koji glasi:

"Član 2a.

(Provođenje Zakona)

Provođenje Zakona podrazumijeva, između ostalog, i:

- a) prikupljanje, provjeru i obradu podataka o imovini nosioca javnih funkcija;
- b) uspostavu, vođenje i ažuriranje Registra podataka o imovini;

- c) čuvanje i uništavanje podataka o imovini u skladu sa zakonskim rokovima;
- d) provođenje postupka kontrole podataka o imovini u skladu sa Zakonom;
- e) uspostavu evidencija i registara u skladu sa posebnim propisima;
- f) pokretanje i provođenje postupka za utvrđivanje povrede odredaba Zakona i drugih propisa kojima su utvrđene nadležnosti Ureda;
- g) izdavanje prekršajnog naloga i pokretanje prekršajnog i drugih postupaka;
- h) druge poslove propisane Zakonom."

Član 3.

(Izmjena člana 3.)

Član 3. mijenja se i glasi:

"Član 3.

(Aktivnosti iz oblasti borbe protiv korupcije)

Aktivnosti Ureda na prevenciji korupcije kao i prikupljanju podataka i informisanju nadležnih o uočenim radnjama koje mogu imati koruptivne elemente odnose se na:

- a) provođenje, praćenje i nadzor nad provođenjem antikorupcionih politika utvrđenih zakonskim i podzakonskim propisima;
- b) organizovanje aktivnosti u vezi sa prevencijom korupcije, kao i prijavljivanjem korupcije i koruptivnih aktivnosti;
- c) unaprijeđenje i širenje znanja o sprječavanju korupcije;
- d) davanje preporuka i smjernica za provedbu propisa i strateških dokumenata iz domena borbe protiv korupcije;
- e) koordinaciju između svih subjekata obuhvaćenih strateškim planovima borbe protiv korupcije kao i saradnju i koordinaciju sa Agencijom za prevenciju korupcije i koordinaciju borbe protiv korupcije i ostalim pravnim subjektima, organima i organizacijama koje su nadležne u postupanju u oblasti borbe protiv korupcije, kao i pravosudnim organima;
- f) prikupljanje podataka o realizaciji aktivnosti iz domena borbe protiv korupcije (utvrđenih propisima, akcionim planovima i drugim strateškim dokumentima i/ili aktima Vlade) od svih kantonalnih institucija navedenih u članu 9. stav (1) ove uredbe;
- g) objedinjavanje prikupljenih podataka, sačinjavanje analize i informisanje nadležnih u skladu sa ovom uredbom;
- h) postupaње po prijavama prema institucijama u svrhu provjere, prikupljanja podataka i prosljeđivanja istih nadležnim organima i institucijama;
- i) uspostavljanje i upravljanje bazama podataka koje za cilj imaju prevenciju ili otkrivanje koruptivnih aktivnosti;
- j) organizovanje okruglih stolova, medijskih i drugih kampanja, te edukativnih i ostalih aktivnosti usmjerenih na preveniranje i suzbijanje koruptivnih aktivnosti;
- k) predlaganje izmjena i dopuna propisa i strateških dokumenata Vladi, a koji se odnose na segment borbe protiv korupcije."

Član 4.

(Dopune člana 5.)

U članu 5. dodaju se novi st. (4), (5) i (6) koji glase:

- (4) "Šef i zaposlenici Ureda, radi vršenja svojih poslova i sprovođenja ovlaštenja, imaju službenu legitimaciju.
- (5) Službenu legitimaciju izdaje šef Ureda.
- (6) Obrazac i sadržaj službene legitimacije propisuje Ministarstvo pravde i uprave Kantona Sarajevo posebnim pravilnikom."

Član 5.

(Brisanje člana 6.)

Član 6. briše se.

Član 6.

(Dopuna člana 7.)

U članu 7. dodaje se novi stav (4) koji glasi:

- (4) "Za posebne uslove rada nad provođenjem Zakona, šef Ureda i zaposlenici imaju uvećanje plaće u iznosu od 20% od osnovne plaće."

Član 7.

(Izmjena člana 8.)

U članu 8. stav (2) tačka a) mijenja se i glasi:

- a) "u budžetu Kantona Sarajevo u iznosu koji ne može biti manji od 0,05% prihoda Budžeta Kantona Sarajevo na godišnjem nivou."

Član 8.

(Stupanje na snagu)

Ova Uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-05-20408-4/19

16. maja 2019. godine  
Sarajevo

Premijer

**Edin Forto, s. r.**

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst, 37/14 - Ispravka), člana 29. stav 2. Zakona o ustanovama ("Službeni list R BiH", br. 6/92, 8/93 i 13/94) i člana 95. Zakona o osnovnom odgoju i obrazovanju ("Službene novine Kantona Sarajevo", broj 23/17 i 33/17), Vlada Kantona Sarajevo, na 19. sjednici održanoj 10.05.2019. godine, donijela je

**ODLUKU**

**O DAVANJU SAGLASNOSTI ZA IMENOVANJE  
DIREKTORA JAVNE USTANOVE  
"PRVA OSNOVNA ŠKOLA" ILIDŽA**

**I**

Daje se saglasnost Školskom odboru Javne ustanove "Prva osnovna škola" Ilidža da se Čelović Arif, profesor islamske vjeronauke imenuje za direktora Škole.

**II**

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-19730-13/19

10. maja 2019. godine  
Sarajevo

Premijer

**Edin Forto, s. r.**

Na osnovu člana 10. stav (3) Zakona o izvršavanju Budžeta Kantona Sarajevo za 2019. godinu ("Službene novine Kantona Sarajevo", broj 6/19), tač. IV i V stav (2) Odluke o kriterijima za raspodjelu sredstava iz Tekuće rezerve Budžeta Kantona Sarajevo ("Službene novine Kantona Sarajevo", broj 18/09) i čl. 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 19. sjednici održanoj 10.05.2019. godine, donijela je

**ODLUKU**

**O ODOBRAVANJU IZDVAJANJA SREDSTAVA IZ  
TEKUĆE REZERVE BUDŽETA KANTONA SARAJEVO  
ZA 2019. GODINU**

**I**

Iz Tekuće rezerve Budžeta Kantona Sarajevo za 2019. godinu ("Službene novine Kantona Sarajevo", broj 06/19), sa ekonomskog koda 600000 odobrava se izdvajanje sredstava u iznosu 10.185,00 KM na razdjel 21-Ministarstva za obrazovanje, nauku i mlade, glava 04, potrošačka jedinica 0003 - Akademija scenskih umjetnosti, na ekonomski kod 823300 - Otplate domaćeg pozajmljivanja u iznosu od 10.185,00 KM, jer sredstva

za ovu namjenu u Budžetu Kantona Sarajevo za 2019. godinu nisu bila planirana.

**II**

Za realizaciju ove Odluke zadužuju se Ministarstvo finansija Kantona Sarajevo i Ministarstvo za obrazovanje, nauku i mlade Kantona Sarajevo.

**III**

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-19730-11/19

10. maja 2019. godine  
Sarajevo

Premijer

**Edin Forto, s. r.**

Na osnovu člana 10. stav (3) Zakona o izvršavanju Budžeta Kantona Sarajevo za 2019. godinu ("Službene novine Kantona Sarajevo", broj 6/19), tač. IV i V stav (2) Odluke o kriterijima za raspodjelu sredstava iz Tekuće rezerve Budžeta Kantona Sarajevo ("Službene novine Kantona Sarajevo", broj 18/09) i čl. 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 19. sjednici održanoj 10.05.2019. godine, donijela je

**ODLUKU**

**O ODOBRAVANJU IZDVAJANJA SREDSTAVA IZ  
TEKUĆE REZERVE BUDŽETA KANTONA SARAJEVO  
ZA 2019. GODINU**

**I**

Iz Tekuće rezerve Budžeta Kantona Sarajevo za 2019. godinu ("Službene novine Kantona Sarajevo", broj 06/19), sa ekonomskog koda 600000 odobrava se izdvajanje sredstava u iznosu 500,00 KM na razdjel 21-Ministarstva za obrazovanje, nauku i mlade, glava 04, potrošačka jedinica 0027 - Institut za genetičko inženjerstvo i biotehnologiju, na ekonomski kod 823300 - Otplate domaćeg pozajmljivanja u iznosu od 500,00 KM, jer sredstva za ovu namjenu u Budžetu Kantona Sarajevo za 2019. godinu nisu bila planirana.

**II**

Za realizaciju ove Odluke zadužuju se Ministarstvo finansija Kantona Sarajevo i Ministarstvo za obrazovanje, nauku i mlade Kantona Sarajevo.

**III**

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-19730-12/19

10. maja 2019. godine  
Sarajevo

Premijer

**Edin Forto, s. r.**

Na osnovu člana 26. i člana 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 64. stav 7. Zakona o zdravstvenoj zaštiti ("Službene novine Federacije BiH", br. 46/10 i 75/13), člana 25. stav 3. i člana 26. Uredbe sa zakonskom snagom o ustanovama ("Službeni list RBiH", br. 6/92, 8/93 i 13/94), člana 13. st. 3. i 8. Odluke o preuzimanju prava i obaveza osnivača i usklađivanju organizacije i poslovanja Javne ustanove Zavod za medicinu rada Kantona Sarajevo ("Službene novine Kantona Sarajevo", broj 7/12), te člana 23. stav 1. i člana 24. stav 1. tačka d) Statuta Javne ustanove Zavod za medicinu rada Kantona Sarajevo ("Službene novine Kantona Sarajevo", br. 45/13 i 47/13), na prijedlog Ministricke zdravstva, Vlada Kantona Sarajevo, na 19. sjednici održanoj 10.05.2019. godine, donijela je